

09/05/1997

PM minta semua sokong calon BN

SUBANG, Khamis - Datuk Seri Dr Mahathir Mohamad meminta seluruh jentera Umno dan parti komponen Barisan Nasional (BN) memberi sokongan padu kepada calon BN yang bertanding dalam tiga pilihan raya kecil serentak pada 29 Mei ini.

Perdana Menteri juga meminta rakyat memberi sokongan penuh kepada bekas Menteri Perdagangan Dalam Negeri dan Hal Ehwal Pengguna, Datuk Abu Hassan Omar, selaku bakal Menteri Besar Selangor, yang akan bertanding di Dewan Undangan Negeri (DUN) Permatang, Kuala Selangor.

"Sokongan yang sama juga perlu diberikan kepada Datuk Jamaluddin Adnan yang akan bertanding untuk kerusi Parlimen Kuala Selangor, calon BN di DUN Repah, Negeri Sembilan dan calon BN, Dr Chee See Choke di Parlimen Teluk Intan, pada 17 Mei ini," katanya pada sidang akhbar di Lapangan Terbang Sultan Abdul Aziz Shah sekembalinya dari lawatan ke Afrika, tengah hari ini.

Bagaimanapun, Perdana Menteri belum dapat memutuskan calon yang akan mengisi kekosongan di Kementerian Perdagangan Dalam Negeri dan Hal Ehwai Pengguna atau merombak Kabinet berikutan perubahan itu.

(END)